



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. IX. An potestas legislativa possit delegari?

[urn:nbn:de:hbz:466:1-73031](#)

per his, 9. de majorit. & obed. ibi: dummodo in ipsa Synodo non ducas aliquid statuendum (quod canonicis obviet institutis) Hinc licet Duces, Marchiones, & Comites, qui Regalia habent à Cæsare, possint ex ejusdem concesione pro suis terris condere statuta municipalia contra jus civile, seu leges Cæsareae, salvis tamen his, quæ Imperatori debentur ratione supremæ dignitatis: id tamen non procedit in Ecclesiasticis, Papâ inferioribus, quoad leges canonicas; cuius ratio est, quia etiam postquam potestas gubernativa, quam prius habebat populus, & liberæ communitates, translata est in Imperatorem, ut dictum est suprà; Imperator tamen in specie Ducibus, & Principibus Imperij concessit potestatem condendi leges suis provincijs convenientes, etiam adversus jus commune; quæ concessio à summo Pontifice Prælati inferioribus facta nulli reperitur; maximè cùm omnes Ecclesiæ Prælati jurisdictionem suam habeant ab ipso, ut diximus in præcedentibus n. 512.

S. IX.

An potestas legislativa possit delegari?

¶ **P**ossit delegari, non est dubium, cùm potestas ferendi legem sit pars jurisdictionis, prout habetur in c. Gravem, 53. de sent. excom. ibi: quidam cives Pisani deputati à potestate, & populo ad statuta civitatis edenda. & tradunt communiter Doctores cum Abbatे in cit. c. n. 1. Suarez l. 4. de legibus, c. 6. Salas D. 8. S. 19. & 92. quæstio autem est, an alicui delegari possit potestas ferendi leges pro tota Ecclesia? Negativam tenet P. Suarez cit. & Bonacina D. 1. q. 1. p. 3. n. 33. quia potestas ferendi leges pro tota Ecclesia fundatur in infallibili assistentia Spiritus sancti, quæ non est delegabilis. Nam ex illa habetur, quod tota Ecclesia errare non possit; Salas autem cit. n. 93. affirmat, posse delegari Concilio; non tamen esse expediens, personæ privatæ. Distinctione utitur Castropalaus p. 1. tr. 3. D. 1. p. 23. n. 30. dicens, aliquas esse leges immediatè pertinentes ad mores; quæ in te sunt potius definitiones fidei, & conclusiones deducuntur ex principijs naturalibus, vel revelatis, quæ positivæ constitutiones: alias solum remo-

tè pertinentes ad salutem, sine quibus nimirum (secluso jure positivo humano) salus animæ obtineri, aut etiam contrarium disponi potuisset. Leges prohibentes matrimonia evnuchorum, coitum vagum, mutuum cum usuris, & fortè præscriptionem rei, malâ fide possessæ, annumerat legibus immediate pertinentibus ad mores; eas verò, quæ disponunt de jejunio certis diebus servando, de modo tenendo in resignandis, vel acceptandis beneficijs, aut cæremonijs usurpandis in Missæ sacrificio, & similibus, ait pertinere ad posteriores, seu ad mores spectantes solum remotè, quibus positis resolvit, potestatem ferendi leges priores (nimirum immediate pertinentes ad mores) non esse delegabilem eò, quod hæc fundetur in infallibili assistentia Spiritus sancti, quæ non est delegabilis; secùs alteram, quæ respicit leges solum remotè spectantes ad mores fidelium. Nam in his negat requiri assistentiam illam divini spiritus.

In hac quæstione omnino dicendum, 543.

quod summus Pontifex non possit errare in moribus per se bonis, vel malis, consequenter non possit approbare per se turpia, ut honesta; & è converso damnare per se honesta, tanquam iniqua; ita Suarez D. 5. de Fide, S. 8. n. 7. Bellarm. l. 4. de Rom. Pont. c. 1. & 5. Nam alias tota Ecclesia (nimirum cœtus fidelium cum suo Capite, summo Christi Vicario) errare posset saltem in materia morum; id, quod certò falsum est. Sequela probatur. Nam approbare per se turpia pro honestis, & damnare per se honesta, tanquam iniqua, errare est; ergo, si summus Pontifex hoc faceret, erraret; ergo cum illo erraret tota Ecclesia; cùm Ecclesia id approbet, & reprobet, quod eam docet summus Pontifex. Quod autem in materia morum errare Ecclesiam cum suo capite, repugnet, patet; quia Ecclesia non possit dici verè sancta, ut in Symbolo Apostolico vocatur; sancta enim potissimum dicitur ob sanctam professionem, quia nimirum legem sanctam profitetur, quæ nihil docet falsum, nihil præcipit malum. Accedit, quod tunc necessariò erraret contra fidem. Fides enim Catholica docet omnem virtutem esse bonam, omne vitium esse malum; si autem Pontifex in materia morum erraret præcipiendo vitia, vel prohibendō vir-

Tom. I.

R. 2

tutes

tutes, teneretur Ecclesia credere, vitia esse bona, & virtutes esse malas; sic Bellarmi-
nus, de quo V. Cardenas in *Crisi ad pro-
pos. damnat. ab Innocent. XI. differt. 1. a. 4.*

549. Ex dict. inferes 1. potestatem, in mate-
ria morum veritate infallibili reprobandi
quædam, ut per se mala; vel approbandi
prout per se honesta, à Summo Pontifice
non esse delegabilem. Nam hæc infalli-
bilitas est in eo duntaxat, quod sit ex infal-
libili assistentia Spiritus Sancti; quæ delega-
ri non potest; similiter potestatem ferendi
leges pro tota Ecclesia, quæ non tam
sunt constitutiones positivæ, quæm defini-
tiones & conclusiones ex principiis juris
naturalis, & revelatis, non esse delegabili-
lem ulli homini privato, aut etiam Conclu-
lio. Nam potestas ferendi tales leges im-
portat potestatem in materia morum veri-
tate infallibili reprobandi per se mala, &
approbandi bona, ut talia; sed ex priori
numero hæc potestas non est delegabilis;
ergo: demum potestatem ferendi leges pro
tota Ecclesia in materia per se non mala,
vel bona (quas Castropalaus cit. supr. num.
547. vocat solum remotè pertinentes ad
mores) esse delegabilem, etiam privato; sic
Castropalaus cit. Nam has leges etiam
pro tota Ecclesia posse condere, non im-
portat potestatem cum infallibili assistentia
Spiritus S. & ideo ad condendam legem
Ecclesiasticam non requirit potestatem
immunem ab omni errore, seu præsum-
ptione falsa; ut patet in legibus Ecclesiasti-
cis, quæ disponunt in quæstione facti.
Talis est ea constitutio Ecclesiæ, qua
sponsi post sponsalia de futuro, habitâ copulâ, jubebantur haberi tanquam veri con-
juges; atque adeò sponsalia de futuro, se-
curâ inter sponsos carnali copulâ, transi-
bant in matrimonium ex præsumptione
juris de jure, quod intervenerit mutuus
consensus maritalis, quod in re falsum es-
se potest. 2. in ea, qua judicio Ecclesiæ
matrimonium etiam consumatum decer-
nitur separandum detecto in foro externo
impedimento dirimente, licet re ipsa non
subsit; & restaurati debeat, errore cogni-
to. Et ratio ulterior est, quia materia ta-
lium legum poterat non prohiberi, vel
præcipi, ut notavimus n. 547. ergo leges
istæ non requirunt eam veritatē infallibilem,
quam in aliis præstat sola assistentia Spiriti-
tus Sancti.

ARTICULUS XI.

Qui teneantur legibus?

Variæ sunt personæ, de quibus dubi-
tari possit, an legibus obligentur? Ac-
cedit, non omnes ligari iisdem; licet enim
omnes habentes usum rationis ligentur jure
naturali, & divino, de legibus tamen hu-
manis merito queritur, an Clerici ligentur
legibus Laicorum? an advenæ, & pere-
grini legibus locorum? &c. De singulis
igitur breviter dicendum.

§. 1.

An Legislator suis legibus obligetur?

Supponendum 1. nos loqui de legibus, 551.
quæ respiciunt, seu disponunt in mate-
ria non tantum subditis, sed etiam accom-
modabili ipsi, qui super ea legem tulit. Du-
pliciter autem considerari lex potest. 1.
quoad vim obligandi sub culpa, & hanc
dicunt vim directivam; 2. quoad vim ob-
ligandi ad peñam à legi impositam trans-
gressori; & hanc vocant vim coactivam.
Supponendum 2. ex communi sententia
nullum legislatorem, quoad vim coactivam
teneri lege à se conditam, consequenter,
non fieri obnoxium peñam per legem suam
statutæ transgressoribus, esto ipse talem le-
gem non obseruet. Sic Azor tom. 1. l. 5.
c. 11. q. 2. Suarez l. 3 de legibus, c. 35. n.
15. & alii communiter. Nam nemo fit
obnoxius peñam transgressoribus certæ le-
gis statutæ, nisi sit transgressor ejus: at esto
legislator legem à se conditam non obser-
vet, per hoc non est transgressor ejus; sed
tantum juris naturalis, ut mox dicemus;
ergo; quibus positis:

Resp. Legislatores nec quoad vim dire-
ctivam obligari legibus suis, in vi talis le-
gis; sed solum in vi circumstantiæ, quæ
posita lex naturæ illum adstringit suos gu-
bernare etiam exemplo; sic Castropalaus cit.
p. 24. q. & apud eum complures alii
Nam eti verum sit, quando legislator fert
aliquam legem in materia communi, &
accommodabili tam subditis, quæm ipsi-
met legislatori, hunc etiam sub culpa te-
neri se conformare ejusmodi legi, ut docet
D. Thomas 1. 2. q. 96. a. 5. ad 3. cum in-
decens